

JAMHURI YA MUUNGANO WA TANZANIA

BUNGE LA TANZANIA

PARLIAMENT OF TANZANIA



ORODHA YA SHUGHULI ZA LEO

MKUTANO WA KUMI NA MBILI

KIKAO CHA TISA

BUNGE LA TANZANIA



14 SEPTEMBER, 2018

ORODHA YA SHUGHULI ZA LEO

MKUTANO WA KUMI NA MBILI

KIKAO CHA TISA – TAREHE 14 SEPTEMBER, 2018

I. DUA:

II. MASWALI:

OFISI YA WAZIRI MKUU:

109. MHESHIMIWA ZUBEDA HASSAN SAKURU
(VITI MAALUM):

Atamuuliza Mheshimiwa Waziri Mkuu:-
Sherehe za Mwenge wa Uhuru zimeendelea
kutumia fedha nyingi za walipa kodi huku
Watanzania wengi wakiwa na maisha duni:-

Je, Serikali haioni umuhimu wa kurudisha
Mwenge wa Uhuru katika Makumbusho ya
Taifa na kuzifuta sherehe hizo.

WIZARA YA FEDHA NA MIPANGO:

110. MHESHIMIWA MWANTUM DAU HAJI (VITI MAALUM):

Atamuuliza Mheshimiwa Waziri wa Fedha na Mipango:- Kumekuwa na ucheleweshaji wa mishahara kwa Watumishi wa Umma:-

Je, ni lini Serikali itamaliza tatizo hilo.

WIZARA YA ELIMU, SAYANSI NA TEKNOLOJIA:

111. MHESHIMIWA KHADIJA NASSIR ALI (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Sera yetu ya Elimu Nchini inatuelekeza kuwa Elimu ya Msingi ni hadi Kidato cha Nne:-

Je, ni lini Serikali itaboresha kiwango cha Elimu ya Msingi hadi kufikia ngazi ya Ufundis Stadi yaani VETA.

WIZARA YA MADINI:

112. MHESHIMIWA AUGUSTINO MANYANDA MASELE (MBOGWE):

Atamuuliza Mheshimiwa Waziri wa Madini:-

Je, ni lini mgodi utafunguliwa katika eneo la Nyukufuru Wilayani Mbogwe baada ya utafiti kuchukua muda mrefu kwenye eneo hilo.

WIZARA YA ULINZI NA JESHI LA KUJENGA TAIFA:

113. MHESHIMIWA MUHAMMED AMOUR MUHAMMED (BUMBWINI):

Atamuuliza Mheshimiwa Waziri wa Ulinzi na Jeshi la Kujenga Taifa:- Kwa kipindi kirefu sasa nchi yetu imekuwa ikipeleka Askari wa Jeshi la Wananchi (JWTZ) nje ya nchi ambako kuna vita vya wenyewe kwa wenyewe na kusababisha misiba mikubwa sana kwa Askari wetu:-

Je, Serikali inasema nini kuhusiana na kadhia hiyo.

WIZARA YA MAJI NA UMWAGILIAJI:

114. MHESHIMIWA LUCIA MICHAEL MLOWE (VITI MAALUM):

Atamuuliza Mheshimiwa Waziri wa Maji na Umwagiliaji:- Mfumo wa mabomba ya maji kwenye maeneo mengi nchini ni chakavu hivyo kusababisha upotevu mkubwa wa maji:-

Je, Serikali ina mpango gani wa kubadilisha mabomba yote chakavu katika nchi ili kuokoa maji yanayopotea kutokana na uchakavu huo.

115. MHESHIMIWA HASNA SUDI KATUNDA MWILIMA (KIGOMA KUSINI):

Atamuuliza Mheshimiwa Waziri wa Maji na Umwagiliaji:-

- (a) Je, Serikali inatoa kauli gani kuhusu miradi ya maji ya Kali, Rukome, Ilagala, Kandego, Uvinza na Nguruka ambayo Wakandarasi wamesimama kwa ukosefu wa fedha;
- (b) Je, ni lini Serikali itapeleka fedha kwa ajili ya kukamilisha miradi hiyo.

116. MHESHIMIWA EDWIN MGANTE SANNDA (KONDOA MJINI):

Atamuuliza Mheshimiwa Waziri wa Maji na Umwagiliaji:- Mtandao wa miundombinu ya usambazaji wa maji toka chanzo kikuu cha maji ya chemchem katika Jimbo la Kondoa Mjini ni wa zamani na chakavu; Katika ziara yake mwaka jana, Mheshimiwa Waziri Mkuu aliahidi kutupatia fedha za ukarabati wa miundombinu hiyo:-

Je, ni lini Serikali itatekeleza ahadi hiyo.

WIZARA YA NISHATI:

117. MHESHIMIWA MENDRAD LUTENGANO KIGOLA (MUFINDI KUSINI):

Atamuuliza Mheshimiwa Waziri wa Nishati:- Serikali imekuwa na mpango kabambe wa kupeleka umeme Vijijini:-

Je, ni lini Serikali itapeleka umeme kwa Wananchi wa Kata ya Itandula, Nyololo shuleni, Maduma, Udumka, Kilolo, Kiyowole na Idete.

118. MHESHIMIWA SHAABAN OMAR SHEKILINDI (LUSHOTO):

Atamuuliza Mheshimiwa Waziri wa Nishati:- Kata za Gare, Kwai, Kwemashai, Makanya, Kilole, Ngwelo na Ubiri hazijafikiwa na REA III mpaka sasa:-

Je, ni lini sasa Serikali itafikisha umeme kwenye Kata hizo.

WIZARA YA MALIASILI NA UTALII:

119. MHESHIMIWA YAHAYA OMARY MASSARE (MANYONI MAGHARIBI):

Atamuuliza Mheshimiwa Waziri wa Maliasili na Utalii:- Mjasiriamali au mtu yeyote anapokata mti anatakiwa achukue 70% ya kile alichokilipia:-

(a) Je, ni lini *recover rate* ya 30% ya mbao ilifanyiwa utafiti;

(b) Je, ni Taasisi gani ilifanya utafiti huo.

120. MHESHIMIWA MBARAKA KITWANA DAU (MAFIA):


Atamuuliza Mheshimiwa Waziri wa Maliasili na Utalii:- Papa aina ya Potwe (*Whaleshark*) ni Samaki ambaye duniani kote anapatikana Australia na Tanzania katika Kisiwa cha Mafia tu:-

Je, ni lini Serikali itakuja na mpango mkakati wa kumtangaza Samaki huyo pamoja na vivutio vingine vya utalii kama vile “*Seuba Diving*” na “*Sport fishing*” duniani ili kuyutia Watalii nchini.

WIZARA YA MAMBO YA NDANI YA NCHI:

121. MHESHIMIWA EZEKIEL MAGOLYO MAIGE (MSALALA):

Atamuuliza Mheshimiwa Waziri wa Mambo ya Ndani ya Nchi:- Jeshi la Polisi kupitia IGP Ernest Mangu ambaye alifanya ziara Wilayani Kahama mapema Mwezi Agosti, 2016 lilitangaza kuanzisha Mkoa mpya wa Kipolisi wa Kahama na Wilaya za Kipolisi za Msalala, Ushetu na Kahama; Wilaya hizo mpya za Kipolisi zinakabiliwa na uhaba mkubwa wa Askari na vitendea kazi vyao hasa vyombo vya usafiri:-

- 
- (a) Je, ni Watumishi wangapi wamepangwa Wilaya mpya ya Kipolisi ya Msalala;
 - (b) Je, Serikali iko tayari kusaidia vyombo vya usafiri hasa magari na pikipiki Wilaya ya Kipolisi ya Msalala;
 - (c) Je, Serikali imejipangaje kujenga ofisi za Polisi Wilaya na nyumba za makazi kwa Askari katika Wilaya za Msalala, Ushetu na Kahama Mjini.

122. MHESHIMIWA MAULID SAID MTULIA (KINONDONI):

Atamuuliza Mheshimiwa Waziri wa Mambo ya Ndani ya Nchi:- Serikali inafanya juhudu kubwa ya kuzuia biashara ya ukahaba kwa kuwakamata wauzaji na wanunuzi wa huduma hiyo na kuwafikisha mbele ya vyombo vya Kisheria. Pamoja na jitihada hizo bado biashara hiyo haramu inaendele kwa kasi ile ile:-

Je, Serikali ina mpango gani mbadala wa kuzuia biashara hiyo haramu.

123. MHESHIMIWA SAED AHMED KUBENEA (UBUNGO):

Atamuuliza Mheshimiwa Waziri wa Mambo ya Ndani ya Nchi:- Kumekuwepo na vitendo vingi vya uhalifu hapa nchini vya Watu kuvamiwa, kupigwa, na kujeruhiwa na kupoawa mali zao na hata kuuawa:-

- (a) Je, Serikali ina mpango gani wa kukomesha vitendo hivyo vya uhalifu ambavyo vinahatarisha usalama wa raia na mali zao;
- (b) Je, Serikali haioni umuhimu wa kuongeza juhudzi za ulinzi wa raia na mali zao ili kudumisha amani na utulivu nchini.

III. TAARIFA YA KATIBU WA BUNGE:

IV. HOJA YA KUAHIRISHA BUNGE:

WAZIRI MKUU:

V. WIMBO WA TAIFA:

DODOMA

14 SEPTEMBER, 2018

S. KAGAIGAI
KATIBU WA BUNGE